

Broj: 03-02-893/2016  
Sarajevo, 22.12.2020. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

x7

PARLAMENT FEDERACIJE  
BOSNE I HERCEGOVINE

Primljeno: 23-12-2020			
Org. Jed.	Broj	Priloga	Vrijednost
02	- 02 -	1465	16

- Dom naroda  
gosp. Tomislav Martinović, predsjedavajući

**PREDMET: Izjašnjenje Vlade Federacije Bosne i Hercegovine o amandmanima na Prijedlog zakona o računovodstvu i reviziji u Federaciji Bosne i Hercegovine**

Poštovani,

U skladu sa članom IV.B.3.7.c) (IV) Ustava Federacije BiH a u vezi sa čl. 177., 178. i 183. stav (1) Poslovnika o radu Doma naroda Parlamenta Federacije BiH („Službene novine Federacije BiH”, br. 27/03, 21/09 i 24/20), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o računovodstvu i reviziji u Federaciji Bosne i Hercegovine, koje je podnio Aner Žuljević, delegat u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 248 sjednici, održanoj 22.12.2020. godine.

S poštovanjem,



PREMIJER

Fadić Novalić

Prilog: kao u tekstu

Cc: Federalno ministarstvo finansija -  
Federalno ministarstvo financija  
gđa Jelka Milićević, ministar

PARLAMENT FEDERACIJE  
SRBIJE  
BEOGRAD  
BEOGRADSKA 11  
11000 BEOGRAD

Priloga: 2 3-15-2020

Org. jed.	Br. i	Priloga	Vrijednost

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10 i 39/20), a u vezi sa čl. 177., 178. i 183. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog zakona o računovodstvu i reviziji u Federaciji Bosne i Hercegovine, koje je podnio Aner Žuljević, delegat u Domu naroda Parlamenta Federacije BiH, Vlada Federacije Bosne i Hercegovine je na 248. sjednici održanoj 22.12.2020. godine, utvrdila sljedeće:

## IZJAŠNENJE

**o amandmanima na Prijedlog zakona o računovodstvu i reviziji u Federaciji Bosne i Hercegovine, koje je podnio Aner Žuljević, delegat u Domu naroda Parlamenta Federacije BiH**

## AMANDMAN I

član 50.

Stav 2. člana 50. treba da glasi: „Nadzor iz stava (1) ovog člana vrši i Finansijska-Financijska policija Federacije BiH i druge institucije ukoliko su im posebnim propisom data ovlaštenja“.

## IZJAŠNENJE

### Amandman se ne prihvata Obrazloženje

Izmjena stava (2) člana 50. kako je predloženo je neprihvatljiva iz više razloga.

S pozivom na Obrazloženje, nejasno je kakve je to „kontrolne odredbe Zakona o računovodstvu i reviziji, vršila Finansijska policija FBiH, kao federalni organ uprave, od samog početka svog postojanja“, ako nadzor nad primjenom odredbi Zakona o računovodstvu i reviziji vrši isključivo Federalno ministarstvo finansija.

Pogrešna je konstatacija da se „prijedlogom zakona o računovodstvu i reviziji forenzička kontrola finansijskih izvještaja, kao nadležnost Finansijske-Financijske policije Federacije BiH, daje se isključivo Poreznoj upravi Federacije BiH, čime se proširuju njene nadležnosti, a ukida Finansijska-Financijska policija kao federalna uprava“.

Podsjećamo da u Zakonu o računovodstvu i reviziji (Zakon o računovodstvu i reviziji „Službene novine Federacije BiH“, broj: 32/05 koji je stavljen van snage stupanjem na snagu Zakona o računovodstvu i reviziji „Službene novine Federacije BiH“ broj 83 /09), a koji je i danas na snazi nijedna odredba nije propisivala ovlaštenja Finansijske policije u svezi nadzora u oblasti računovodstva, a koja su sada u Prijedlogu Zakona po navodima predlagača „ukinuta“, te je krajnje nejasna i začuđujuća konstatacija u obrazloženju da „navedenim Prijedlogom zakona, na vrlo tih i neprimjetan način, oduzimaju nadležnosti Finansijskoj policiji“.

Također, ne stoji konstatacija „da se na ovakav način, prenošenjem ovlaštenja Finansijske policije Federacije BiH, Poreznoj upravi Federacije BiH, dovodi i do tihog ukidanja Finansijske policije,



odnosno njenog gašenja“, jer u Prijedlogu Zakona ne postoji nijedna odredba koja bi ukazivala na isto.

U Zakonu o računovodstvu i reviziji koji je na snazi od 01.01.2010.godine (11 godina) član 46. između ostalog propisuje

„Član 46.

Porezna uprava Federacije Bosne i Hercegovine (u daljnjem tekstu: Porezna uprava) je ovlaštena obavljati nadzor pravnih lica nad aktivnostima pravnih lica radi provjere da li se aktivnosti od značaja za organizaciju i funkcionisanje sistema računovodstva i knjigovodstva obavljaju u skladu sa odredbama ovog i drugih relevantnih zakona i propisa donesenih na osnovu tih zakona, s tim da Porezna uprava ne vrši nadzor nad primjenom MRS-a i MSFI-a.

Nadzor obavljaju i druge institucije ukoliko su iste posebnim propisom ovlaštene za obavljanje nadzora nad aktivnostima pojedinih pravnih lica na koja se primjenjuju odredbe ovog zakona.“

Jasno je da su druge institucije sve institucije koje sukladno odredbama materijalnih zakona koji propisuju njihove nadležnosti vršenja nadzora (npr. Agencija za bankarstvo u okviru nadzora nad pravnim licima u bankarskom sektoru, Agencija za nadzor osiguranja u okviru nadzora nad sudionicima na tržištu osiguranja, Komisija za vrijednosne papire u okviru nadzora nad sudionicima na tržištu kapitala i sl.) u Zakonu vezano za vrstu nadzora iz člana 46. vezuju se i čl. 47. i 48. zakona.

U Prijedlogu Zakona o računovodstvu i reviziji član 50. je u tekstu identičan članu 46. važeće odredbe koja je na snazi 11 godina i koja je naprijed citirana.

Naglašavamo da nadležnosti Finansijske policije u vršenju nadzora moraju jasno biti uređene isključivo materijalnim zakonom (Zakonom o finansijskoj policiji), a koji je uistinu davno prevaziđen i u praksi teško primjenjiv („Službene novine Federacije BiH“, broj: 2/95) imajući u vidu široke ekonomske reforme i zahtjeve koje su te reforme nosile, posebno u finansijskom sektoru, realnom sektoru i u javnom sektoru u ovih nepunih 26 godina, od kad je na snazi Zakon o finansijskoj policiji, te su nužne izmjene ovog zakona usuglašene sa drugim materijalnim propisima koji su na snazi, a koji su više puta usuglašavani shodno ekonomskim kretanjima i zahtjevima tržišta, a posljednjih pet godina izvršeno je i njihovo postepeno usuglašavanje sa eu legislativom.

## AMANDMAN II

Naziv člana 51. treba da glasi: „Ovlaštenja kod vršenja nadzora“.

Iza stava (2) člana 51. treba dodati stav (3) koji glasi: „Ovlaštenja iz stava (1) i (2) vrši i Finansijska-Finansijska policija Federacije BiH i druge institucije ukoliko su im posebnim propisom data ovlaštenja“.

### IZJAŠNJENJE

#### Amandman se ne prihvata

#### Obrazloženje

Isto kao i za Amandman I.

V. broj: 1706 /2020  
22.12.2020. godine  
Sarajevo



PREMIJER

Fadil Novalić